

玉山縣志卷一

星野

洪範庶民惟星星民象也

聖世無分民有分土民之麗乎土猶星之麗乎天自周官保章氏注吳與越已有分矣信屬豫章郡為吳星主斗衢屬會稽郡為越星主牛玉山雖割衢入信而星度必不及牛蓋牛度距斗度尚遠也錄歷代舊志以得其凡而占驗附焉志星野

吳地斗分野今之會稽九江丹陽豫章廬江廣陵六安臨淮郡盡吳分也 漢書地理志

自南斗十二度至須女七度為星紀於辰在五吳越分野屬揚州 原註費直起斗十度 魏太史令陳卓及范蠡鬼谷張良

玉山縣志

卷一 星野志

一

諸葛亮譙周京房張衡並云 晉書天文志

南斗六星四曰天相主豫章北斗七星四曰權為時主水其分為吳 宋史天文志

江西布政司所屬皆斗分 明史天文志

斗六星二十五度吳分野南昌入斗八度饒州廣信同入斗七度 分野圖說

按明龔敦說本杜佑而加詳謂分鉛為光澤崇安北界北接上饒弋陽入南斗八之頭九之尾則玉山星度可於此求之矣晉志豫章入斗十度會稽入牛一度舊府縣志並載二語蓋謂信屬兼有衢州之地當兼會稽郡之星度耳不知信之全屬皆斗分野明志甚晰槩舉之則與饒州同斗七度細析之則北接上饒弋陽已入斗

八九度之間玉當衢信之交必不越他度也况衢嚴金華屬女五六八度於牛度何與焉

占

斗星盛明君臣一心天下和平 日月五星逆入斗天下流蕩悖犯之兵起 斗建搖民人勞 天相不明號令不順

四時 以下前府志

驗

日蝕在斗吳地兵 月蝕在斗吳越災 月入南斗宋至道
值此兩浙大禊 歲星犯南斗昭公三十三年夏吳伐越
晉史墨曰越得歲而吳伐之必受其凶至哀公二十二年
越滅吳 熒惑犯南斗漢永和值此明年吳郡行丞事叛
按漢元鼎中熒惑守南斗元封元年閩越王反誅民民徙

玉山縣志

卷一 星野志

二

江淮之間墟其地永和熒惑犯南斗云云晉義熙二年熒惑入南斗第五星韓美聚衆千餘劫掠鉛山民避亂走建州鉛人何諲起兵拒平之明洪武元年熒惑觸歲星四年熒惑留南斗是年胡廷美戰鉛山擊元守將陳友定不克鉛民大亂是年將軍沐英復鉛山入崇安兵至夾水友定亟戰不利死之宣德六年熒惑犯南斗是年鉛山水大饑
太白犯南斗晉惠永興值此陳敏寇吳越 彗孛犯斗
吳越地兵起

月令

正月斗建寅日在室一雞二犬三豬四羊五牛六馬七人
八穀其日晴所主之物育陰則災元宵初日占百果中日
晚稻末日早稻諺云雨打上元燈早禾一束稿 二月斗

建卯日在奎驚蟄雷鳴主本月多雨次月旱妨農 三月
斗建辰日在胃三日聽蛙聲午前鳴高田熟午後鳴低田
熟唐詩云田家無五行水旱卜蛙聲 四月斗建巳日在
畢立夏日青氣見東南吉否則歲多災立夏與小滿日宜
雨諺云立夏不下高田莫耙小滿不滿芒種不管 五月
斗建午日在井夏至得雨豐稔之候諺云夏至在月頭邊
喫邊愁夏至在月中耽閣糶米翁謂米價平也 六月斗
建未日在柳立秋在月晦則早稻遲諺云六月立秋要到
秋七月立秋不到秋 七月斗建申日在箕七夕以前占
河影沒三日而復見則穀賤七日而復見則穀貴 八月
斗建酉日在角秋分一日不宜晴中秋月光則無魚雲重
則知次年元宵多雨諺云雲掩中秋月雨打上元燈 九

玉山縣志

卷一 星野志

三

月斗建戌日在房自一日至九日凡北風則穀價賤以日
占月可知諺云重陽無雨一冬晴 十月斗建亥日在尾
荆楚歲時記天時和暖似春人謂之小陽春一日宜晴諺
云十月初一晴柴炭灰樣平此月宜多雨諺云十月雨連
連高山也是田又云液雨百蟲飲之藏蟄 十一月斗建
子日在斗冬至日青雲見于北方吉應來歲豐稔否則主
旱災 十二月斗建丑日在女大小寒多風雪損畜 四
季甲子春甲子雨赤旱千里夏甲子雨搖船入市秋甲子
雨禾生枯耳冬甲子雨雪飛千里此唐俚語驗諸時事不
忒 四季甲申大雨穀價大貴小雨穀價小貴

按分野之度明占與驗乃可得而述焉宋景三言而熒
惑移其理殆非術數所能測者田家月令則重農事者

所宜知也故於信郡七邑不嫌從同

玉山縣志

卷

星野志

四